

**KAUTUSANG TAGAPAGPAGANAP 2022-15**  
**(KAUTUSANG TAGAPAGPAGANAP PARA SA COVID-19 BLG. 108)**

**SAPAGKAT**, mula noong Marso 2020, ang Illinois ay naharap sa isang pandemya na nagdulot ng pambihirang sakit at pagkawala ng buhay, na dinapuan ang higit sa 3,446,000, at kumitil ng buhay ng higit sa 34,000 na mga residente; at,

**SAPAGKAT**, habang patuloy na tumutugon ang Illinois sa sakuna sa pampublikong kalusugan na dulot ng Coronavirus Disease 2019 (COVID-19), isang bagong malubha at matinding karamdaman sa paghinga na mabilis na kumakalat sa pamamagitan ng transmisyong sa respirasyon, ang pasanin sa mga residente, mga tagabigay ng pangangalagang pangkalusugan, mga unang tagatugon, at mga pamahalaan sa buong Estado ay walang uliran; at,

**SAPAGKAT**, ang pagprotekta sa kalusugan at kaligtasan ng mga taga-Illinois ay kabilang sa pinakamahalagang tungkulin ng pamahalaan ng Estado; at,

**SAPAGKAT**, maraming variant ang lumitaw sa panahon ng pandemya at patuloy na lumilitaw, bawat isa ay may iba't ibang paghawa at antas ng kalubhaan; at,

**SAPAGKAT**, ang paghula sa kung ano ang mangyayari sa hinaharap sa pandemyang ito ay isang mahirap na trabaho, at ang mga napatunayang mitigasyon sa pandemya tulad ng pisikal na pagdidistansya, mga pantakip sa mukha at iba pang pag-iingat sa pampublikong kalusugan ay patuloy na gumagana upang mapabagal at matigil ang pagkalat ng COVID-19; at,

**SAPAGKAT**, patuloy na nagpapayo ang CDC na ang ilang mga setting ng komunidad, tulad ng mga paaralan at mga komunal na setting na may mataas na panganib ay maaaring mangailangan ng karagdagan ng mga layer ng pag-iingat batay sa mga katangian ng setting at kung sakaling magkaroon ng outbreak; at,

**SAPAGKAT**, patuloy na inirerekomenda ng CDC na ikonsidera ng mga indibidwal na immunocompromised o nasa mataas na panganib para sa malubhang sakit ang pagsusuot ng angkop na mask sa loob ng mga pampublikong lugar kapag mataas ang antas ng COVID-19 sa komunidad; at,

**SAPAGKAT**, patuloy na inirerekomenda ng CDC na magsuot ng mask ang mga tao na may mga sintomas, positibong test, o pagkaka-expose sa isang tao na may COVID-19; at,

**SAPAGKAT**, maaaring piliin ng mga indibidwal na magsuot ng mask anumang oras upang maprotektahan ang kanilang sarili o ang mga nakapaligid sa kanila mula sa pagkalat ng COVID-19; at,

**SAPAGKAT**, patuloy na inirerekomenda ng patnubay ng CDC na ang mga indibidwal na hindi up-to-date sa mga pagbabakuna sa COVID-19 o nasa loob ng 90 araw ng impeksyon sa COVID-19 ay manatili sa bahay at mag-quarantine nang hindi bababa sa 5 araw pagkatapos ng pagkaka-expose sa COVID-19 at magsuot ng mask hanggang ika-10 araw; at,

**SAPAGKAT**, patuloy na inirerekomenda ng patnubay ng CDC na ang mga indibidwal na nagpositibo sa COVID-19 ay manatili sa bahay at mag-isolate nang hindi bababa sa 5 araw pagkatapos magpositibo at magsuot ng mask hanggang sa ika-10 araw; at,

**SAPAGKAT**, habang kumakalat ang COVID-19 sa Illinois sa paglipas ng mga Proklamasyon ng Gobernador para sa Sakuna, ang mga pangyayari na nagdulot ng sakuna sa buong Estado ay nagbago at patuloy na nagbabago, na ang pagbuo ng mga tiyak na hula sa landas ng virus sa mga darating na buwan ay sadyang napakahirap; at,

**SAPAGKAT**, bilang karagdagan sa pagiging sanhi ng malagim na pagkawala ng 34,000 na mga taga-Illinois at negatibong pinsala sa pisikal na kalusugan ng sampu-sampung libong iba pa, ang COVID-19 ay nagdulot ng malawakang kawalan sa ekonomiya at patuloy na nagbabanta sa kagalingan ng pananalapi ng isang makabuluhang bilang ng mga indibidwal at mga negosyo sa buong bansa at sa Estado; at,

**SAPAGKAT**, ang mga epekto ng pandemyang COVID-19 ay nagresulta sa kakulangan sa buong bansa ng mga propesyonal sa pangangalagang pangkalusugan na nakakaapekto sa paghahatid ng mga serbisyo sa pangangalagang pangkalusugan sa Illinois kabilang ang pagkakaroon ng mga tauhan, kama, at mga serbisyo sa pangangalagang pangkalusugan sa mga pasilidad ng pangangalaga sa kalusugan, kabilang ang mga pasilidad na pinapatakbo ng Estado;

**SAPAGKAT**, maraming mga ehekutibong ahensya sa Estado ang patuloy na itinutuon ang kanilang limitadong pinagkukunang-yaman sa nagpapatuloy na tugon sa pandemya ng COVID-19; at,

**SAPAGKAT**, noong Hunyo 24, 2022, bilang pagsasaalang-alang sa inaasahang patuloy na pagkalat ng COVID-19 at ang patuloy na epekto nito sa kalusugan at ekonomiya na madarama sa darating na buwan ng mga tao sa buong Estado, idineklara ko ang lahat ng mga lalawigan sa Estado ng Illinois bilang isang lugar ng kalamidad; at,

**SAPAGKAT**, bilang tugon sa emerhensiyang epidemya at emerhensiya ng pampublikong kalusugan na inilarawan sa itaas, nakita ko na kinakailangang muling ilabas at baguhin ang Kautusang Tagapagpaganap 2020-24, at sa pamamagitan nito ay isinasama ang mga SAPAGKAT na mga sugnay ng Kautusang Tagapagpaganap na iyon;

**SAMAKATUWID**, sa pamamagitan ng mga kapangyarihang ipinagkaloob sa akin bilang Gobernador ng Estado ng Illinois, alinsunod sa Konstitusyon ng Illinois at mga Seksyon 7(1), 7(2), 7(3), 7(8), 7(9), at 7(12) ng Illinois Emergency Management Agency Act, 20 ILCS 3305, at naaayon sa mga kapangyarihan ng mga batas sa pampublikong kalusugan, iniuutos ko ang mga sumusunod, simula Hunyo 24, 2022:

**Bahagi 1: Muling Paglabas ng Kautusang Tagapagpaganap 2020-24 (Programa sa Porensikong Paggamot ng Kagawaran ng Serbisyong Pantao ng Illinois).**

Ang Kautusang Tagapagpaganap 2020-24 ay muling inilabas at binago gaya ng sumusunod:

Ang mga Seksyon 1 at 3 ng Kautusang Tagapagpaganap 2020-24 ay muling inilabas at pinalawig hanggang **Hulyo 24, 2022**.

Ang Seksyon 1 ay higit pang binago gaya ng sumusunod:

Seksyon 1. Sa panahon ng at hindi hihigit sa tatlung araw kasunod ng pagwawakas ng mga Proklamasyon ng Gobernador para sa Sakuna, ang ~~sumusunod na~~ mga probisyon ng batas ng Seksyon 104-17(b) ng Illinois Code of Criminal Procedure ng 1963 ay sinuspinde, sa isang bahagi, hanggang sa hinihiling nila sa Kagawaran ng Serbisyong Pantao ng Illinois na ipaalam sa mga county jail ang lokasyon ng pagkakalagay ng isang nasasakdal sa loob ng 20 araw mula sa pagpapadala ng isang remand order. Mga Seksyon 104-17(b), 104-23(b)(3), 104-25(b), at 104-26(e)(2) ng Illinois Code of Criminal Procedure ng 1963, gayundin ang Seksyon 5-2-4(a) ng Illinois Unified Code of Corrections. Gayunpaman, ang mga admission ay magpapatuloy at dapat bigyang-prayoridad ng Kagawaran ng Serbisyong Pantao ng Illinois. Ang mga krayterya sa pagbibigay-prayoridad ay kinabibilangan ng, ngunit hindi limitado sa, mga sumusunod na krayterya ng pasyente: (i) pagiging mapanganib sa sarili o sa iba, (ii) matinding pangangailangan sa kalusugan ng isip, (iii) posibilidad ng decompensation habang nasa kulungan, at (iv) haba ng paghihintay para sa admission sa Kagawaran ng Serbisyong Pantao ng Illinois. Alinsunod dito, ang lahat ng admission sa Programa sa Porensikong Paggamot ng Kagawaran ng Serbisyong Pantao ng Illinois mula sa lahat ng Illinois county jail ay sinuspinde, na may mga eksepsyon sa sariling pagpapasya ng Kalihim ng Kagawaran ng Serbisyong Pantao ng Illinois para sa limitadong mahahalagang admission. Ang Programa sa Porensikong Paggamot ng Kagawaran ng Serbisyong Pantao ng Illinois ay ang Kalihim ay inutusang makipagtulungan sa mga county Sheriff at iba pang mga kasama upang matiyak ang kaligtasan ng mga tao na ililipat sa mga Programa sa Porensikong Paggamot ng DHS, pati na rin ang mga county jail at mga pasilidad ng DHS.

**Bahagi 2: Pangligtas na Sugnay.** Kung ang anumang probisyon ng Kautusang Tagapagpaganap na ito o ang aplikasyon nito sa sinumang tao o kalagayan ay ituturing na walang bisa ng anumang korte na may karampatang hurisdiksyon, ang kawalang-bisa nito ay hindi nakakaapekto sa iba pang probisyon o aplikasyon ng Kautusang Tagapagpaganap na ito, na maaaring mabigyan ng bisa nang wala ang imbalidong probisyon o aplikasyon. Upang makamit ang layuning ito, ang mga probisyon ng Kautusang Tagapagpaganap na ito ay idineklara na maaaring ihiwalay.

---

**JB Pritzker, Gobernador**